

後漢書辨疑

後漢書辨疑卷一

目錄

志第六卷大喪 閩本大喪下有諸侯王列侯始封貴人  
·公主薨一條

第二十九卷導從卒 卒當作車志中標目亦作車  
列傳第五卷注欽曾孫歷 欽字衍閩本無

第八卷吳漢陳俊蓋延臧宮 案蓋延當在陳俊之前

第十一卷子隗 子隗二字當注在任光下

第十八卷馮衍注子豹 閩本子豹二字注在下卷馮衍  
下

第三十卷上班彪注子固 閩本子固二字注在下卷班彪下

第四十卷 依光武十王之例當有明入王三字閩本不脫

第四十五卷 脫章入王三字閩本不脫

第六十四卷上袁紹注子譚 子譚二字閩本注在下卷袁紹下

第七十一卷范丹 閩本作范冉注云一名丹

光武帝紀

南陽蔡陽人 杜佑曰棗陽後漢蔡陽縣漢春陵故城在今縣東

鬱林太守外注鬱林郡今柳州縣 胡三省曰唐柳州無鬱林縣而唐之桂柳鬱邑象鸞潯南尹樂融賓等州皆漢鬱林郡地

欽生光武 光武母張氏趙國張況族姊光武呼況爲大舅見張禹傳

光武避吏新野 鄧晨傳云及光武與家屬避吏新野舍晨廬甚相親愛

更始元年 是歲王莽地皇四年也不應提行注清陽縣屬南郡 案清陽兩漢志俱作育陽屬南陽此作南仲誤也

初王莽以天下能爲兵法者六十三家數百人 按王莽

傳云微諸明兵法六十三家術者各持圖書受器械此者字當在家字下

以爲壘尉 百官表有中壘校尉今省作壘尉

衝輶撞城 說文輶兵車也漢書衡山王傳作輶車鍛矢六月己卯 通鑑作己卯朔

廼遣光武以破虜將軍行大司馬事 案上文拜光武爲

破虜大將軍此脫大字

復漢官名吏人喜悅 閩本官名下有古字疑是故字之譌

於是引兵拔廣阿 杜佑曰趙州昭慶縣漢廣阿縣遂東圍鉅鹿 杜佑曰唐鉅鹿縣漢南鄉也漢鉅鹿縣今

平鄉也

會諸將軍燒之 閩本無將字

秦豐自號楚黎王注秦豐黎上鄉人 案黎上鄉屬南郡  
邵縣續漢書志作犁上

又別號諸賊尤來 水經注云鄒山記曰徂來山在兗州  
梁父奉高博城三縣界今猶有美松赤眉樊崇保此山  
自號尤來三老

注大將軍營有五部部三校尉 案續志部校尉一人  
建武元年大軍復進至安次 安次今順天府文安縣  
廼遣吳漢率耿弇陳俊馬武等十二將軍追戰於潞東  
案耿弇傳云光武還薊復遣弇與吳漢景丹蓋延朱祐

邳彤耿純劉植岑彭祭遵堅鐔王霸陳俊馬武十三將軍追賊至潞東據此則十二當作十三

行到南平棘注屬常山郡 案地理志常山郡平棘無南字

千秋亭五成陌 千秋五成皆取嘉名

揚化將軍堅鐔等十一將軍 案十一將軍者吳漢朱祐岑彭賈復堅鐔而外有大司空王梁右將軍萬脩驍騎將軍劉植積射將軍侯進偏將軍馮異祭遵王霸也見岑彭傳

盧方起安定 方闕本作芳

破虜大將軍叔壽 廣韻叔姓左傳魯公子叔弓之後

二年大司馬吳漢率九將軍 案九將軍者大司空王梁  
建義大將軍朱祐大將軍杜茂執金吾賈復楊化將軍  
、堅鐔偏將軍王霸騎都尉劉隆馬武陰識也見吳漢傳  
庚辰封功臣皆爲列侯 時詔使馮勤典諸侯封事勤差  
量功次輕重國土遠近地勢豐薄不相踰越莫不厭服  
焉自是封爵之制非勤莫定

率征虜將軍祭遵等二將軍擊恆農賊 二當作五祭遵  
而外有建義大將軍朱祐漢忠將軍王常騎都尉王梁  
臧宮也見祭遵傳

遣執金吾賈復率二將擊更始郎王尹遵 案二將軍騎  
都尉陰識驍騎將軍劉植也遵更始傳作尊



遣虎牙大將軍蓋延率四將軍伐劉永 案四將軍者駙  
馬都尉馬武騎都尉劉隆護軍都尉馬成偏將軍王霸  
也

殺淮陽太守潘蹇 廣韻周文王子畢公之子季孫食采  
於潘因氏焉晉有潘父楚有潘崇

帝自將征五校大破五校於滎陽 案滎陽之役從帝往  
擊者大司馬吳漢建威大將軍耿弇建義大將軍朱祐  
執金吾賈復偏將軍馮異強弩將軍陳俊左曹王常騎  
都尉臧宮也說文魏郡有滎陽鄉讀若錡

以廷尉岑彭爲征南大將軍率八將軍討鄧奉于堵鄉  
案八將軍者朱祐賈復及建威大將軍耿弇漢忠將軍

王常武威將軍郭守越騎將軍劉宏偏將軍劉嘉耿植也

三年以偏將軍馮異爲征西大將軍 晉書職官志云四

征起于漢代

與赤眉戰於回溪禹異敗績 案回溪之役鄧禹馮異與車騎將軍鄧宏同敗本紀不及鄧宏未知何故

立皇考南頓君以上四廟 春陵節侯鬱林太守鉅鹿都尉南頓令也

餘眾南向宜陽 南向馮異傳作東走說詳馮異傳

遣吳漢率二將軍擊青犢于輜西 案二將軍者建威大將軍耿弇虎牙大將軍蓋延也

大破鄧率于小長安 小長安在南陽郡育陽縣

吳漢率七將軍與劉永將蘇茂戰於廣樂 七疑當作二

吳漢傳云率驃騎大將軍杜茂彊弩將軍陳俊等圍蘇

茂于廣樂

征南大將軍岑彭率三將軍伐秦豐 三將軍傳俊臧宮

劉宏也

四年遣右將軍鄧禹率二將軍與延岑戰於武當 案二

將軍復漢將軍鄧疊輔漢將軍于匡也

遣大司馬吳漢擊五校賊于箕山 案是時漢與彊弩將

軍陳俊前將軍王梁同往本紀不言率二將軍似略

遣征虜將軍祭遵率四將軍討張豐于涿郡 案四疑當

作三三將軍者建義大將軍朱祐建威大將軍耿弇驍  
騎將軍劉喜也

遣揚武將軍馬成率三將軍伐李憲 案三將軍者誅虜  
將軍劉隆振威將軍宋登射聲校尉王賞也

遣建義大將軍朱祐率二將軍圍秦豐於黎丘 案二將  
軍者破姦將軍侯進輔威將軍耿植也

五年大司馬吳漢率建威大將耿弇擊富平獲索賊於平  
原 案是役也耿弇而外有漢忠將軍王常

復遣耿弇率二將軍討張步 二將軍騎都尉劉歆太山  
太守陳俊也

遣征南大將軍岑彭率二將軍伐田戎於津鄉 案二將

軍者傅俊及威虜將軍馮駿也

注蔚宗序例云帝紀畧依春秋唯字彗日食地震書餘悉  
備於志 案序例之說得史體矣符瑞之屬當具于五  
行志范志雖失傳其書固有五行志也見蔡邕傳今紀  
中建武十二年甘露降南行唐黃龍見東阿十七年有  
五鳳皇見於潁川郟縣永平十一年灤湖出黃金時麒  
麟白雉醴泉嘉禾所在出焉建初三年零陵獻芝草四  
年甘露降泉陵洮陽二縣五年零陵獻芝艸有八黃龍  
見于泉陵元和二年鳳皇集肥城桓帝之世更史不絕  
書何自相刺謬耶

盧芳自稱天子於九原 案芳傳于建武元年匈奴已立

爲帝矣

交趾牧鄧讓率七郡太守遣使奉貢 七郡太守謂江夏  
太守侯登武陵太守王堂長沙相韓福桂陽太守張福  
零陵太守田翕蒼梧太守杜穆交趾太守錫光也見岑  
彭傳章懷以七郡爲南海蒼梧鬱林合浦交趾九真日  
南井也

六年遣虎牙大將軍蓋延等七將軍從隴道伐公孫述  
七將軍者蓋延及征虜將軍祭遵建威大將軍耿弇捕  
虜將軍馬武驍騎將軍劉歆武威將軍劉尚漢忠將軍  
王常也

遣前將軍李通率二將軍與公孫述將戰于西城 案二

將軍謂破姦將軍侯進討虜將軍王霸也

隗囂遣將行巡寇扶風 廣韻行姓周有大行人之官其  
後氏焉

七年公孫述立隗囂爲朔寧王 朔寧取其綏靜北方  
省長水射聲二校尉官 耿國爲射聲校尉因罷此官更  
拜駙馬都尉是也

八年殺隗囂守將 囂將金梁也

高句驪王遣使奉貢 初王莽更名高句驪王爲下句驪  
侯至是始復其王號

九年遣大司馬吳漢率四將軍擊盧芳將賈覽於高柳  
四將軍謂討虜將軍王霸橫野大將軍王常建義大將

軍分爲五將軍侯進也

漢中郎將來歙監征西大將軍馮異等五將軍討隗純於天水 五將軍謂馮異及建威大將軍耿弇虎牙大將軍蓋延揚武將軍馬成武威將軍劉尚也

後漢書光祿尉官 西羌傳同然溫序于建武六年已爲  
設光祿尉似非九年始置矣見獨行傳

十年大司馬吳漢率捕虜將軍王霸等五將軍擊賈覽於高柳 案五疑當作四王霸傳云明年霸復與吳漢等四將軍出高柳擊賈覽捕虜將軍馬武也此當作討虜建武五年拜霸爲討虜將軍

大破隗純於落門 續漢志漢陽襄縣有雒門聚雒與落



同

來欵率諸將擊羌于五谿 諸將謂虎牙大將軍蓋延武威將軍劉尚大中大夫馬援也

十一年征南大將軍岑彭率三將軍 案三將軍謂誅虜將軍劉隆輔威將軍臧宮驍騎將軍劉歆也

破公孫述將王元環安於下辯注縣名 案下辯道名地理志有下辯道郡國志脫道字攷隸釋武都丞等題名有下辯道長任詩注云縣名非也

十二年九真徼外蠻夷張遊率種人內屬封爲歸漢里君夷疑當作里故封游爲里君也章懷云里蠻之別號今呼爲俚人

十三年皆襲爵爲王不應經義 朱祐傳祐奏古者人臣受封不加王爵可改諸王爲公帝卽施行

以周承休公姬常爲衛公 前書恩澤侯表云建武二年五月戊辰更常爲周承休侯五年侯武嗣十三年更爲衛公今范書侯作公十三年更封仍作姬常不云姬武未知孰是

益州傳送公孫述替師郊廟樂器葆車輿輦 輿當作輿廣漢徼外白馬羌豪率種人內屬 樓登等率五千餘戶內屬封爲歸義君長

日南徼外蠻夷獻白雉白兔 日南南蠻傳作南越

十四年封孔子後志爲褒成侯 此卽成亭侯也孔僖傳

謂初封褒成至孔損徙封褒亭非是

是歲會稽大疫注會稽今越州縣 陳景雲曰是時會稽  
理吳至順帝分置吳郡徙會稽理山陰乃爲唐之越州  
地耳注微誤

十五年徙鴈門代郡上谷三郡民置常關居庸關以東  
案常關當從南匈奴傳作常山關吳漢傳作常關亦誤  
陛下德橫天地興復宗統 橫與光古字通言聖德光乎  
天地也

陛下恭讓克讓 上讓字誤閩本作謙

十六年交趾女子微側反略有城邑 略六十五城自立  
爲王

又以畏慎捐城委守者皆不以爲負 捐城通鑑作損怯  
自是牛馬放牧邑門不開 通鑑牧放下有不收二字  
十七年二月乙亥晦日有食之 乙亥五行志作乙未  
進幸葉章陵注葉縣屬南郡 案葉章陵俱屬南陽注云南郡誤

五月乙卯車駕還宮 上云四月乙卯南巡狩則五月未  
得又有乙卯二者必有一誤

其餘九國公皆卽舊封建爵爲王 案光武十王傳云臨  
淮懷公衡建武十五年立未及進爵爲王而薨無子國  
除本紀諸公進爵在十月臨淮公衡薨在六月則進爵  
爲王者止有楚東海濟南東平淮陽山陽左鄉邪八王

不得云九國皆因舊國封也

十八年遣大司馬吳漢率二將軍討之 二將軍謂劉尚  
臧宮也

甲寅西巡狩 甲寅杜篤傳作甲辰

十九年脩西京宮室 脩宮室事詳見杜篤傳

二十年大司徒戴涉下獄死 竇融傳云戴涉坐所舉人  
盜金下獄帝以三公參職不得已乃策免融涉所坐之  
罪當以融傳爲正注疑誤

東夷韓國人率眾詣樂浪內附 韓國人卽韓國廉斯人

蘇馬悞也

二十一年安定屬國胡叛屯聚青山 青山在參綠縣參

絲故屬安定郡國志屬北地

二十二年大司空朱浮免 坐賣弄國恩

使中郎李茂報命 匈奴傳作中郎將閭本監本俱有將

字

匈奴北徙幕南地空 幕烏桓傳作漠

二十三年南郡蠻叛 涪山蠻雷遷等寇掠

高句驪率種人詣樂浪內屬 種人蠶支落大加戴升等  
也

二十四年於是伏波將軍馬援率四將軍討之 伏波上  
當有遣字四將軍謂馬武耿舒劉匡孫永也

二十五年遼東徼外貊人 貊人卽句驪也東夷傳作句

驪案本紀東夷傳並云元初五年高句驪與濊貊寇元  
菟則句驪與濊貊明是兩國傳作句驪紀作貊人者以  
句驪一名貊耳也

寇右北平漁陽上谷太原 陳景雲曰太原二字非衍卽  
誤貊人入寇東邊諸郡耳不能西至太原內地也東夷  
傳同

烏桓大人率眾內屬 烏桓大人郝旦旣于春閒來朝矣  
後又率眾九百餘人內屬故復記之

二十六年詔有司增百官奉 西京百官受奉之制前書  
不載顏師古注百官表所云漢制與章懷引續漢志相  
同今本百官志與章懷引續漢志相惟比六百石顏注云六十斛爲小  
懷所引微有不同

異耳顏注大率卽用續志其增減之數不可攷矣

二十七年益州郡徼外蠻夷哀牢王賢栗也

魯王興齊王石始就國 帝問趙熹以久長之計熹請遣諸王就國帝從其議

二十八年淮陽王延始就國 延于次年入朝見第五倫傳

三十年十一月乙酉至自魯 通鑑作丁酉

三十一年陳留雨穀形如稗實 論衡感虛篇云建武三十一年陳留雨穀穀下蔽地案視穀形若茨而黑有似于稗實也

中元元年 隸釋成都有漢蜀郡太守何君造尊健閣碑



其末云建武中元二年六月就按范史本紀建武止三十一年次年改爲中元書爲中元元年觀此所刻乃是雖別爲中元猶冠以建武如文景中元後元之類也又祭祀志載封禪後赦天下詔明言改建武三十二年爲建武中元元年東夷倭國傳建武中元二年來奉貢證據甚明宋莒公紀元通譜云紀傳俱出范史必傳寫脫誤學者失于精審以意刪去梁武帝大同大通俱有中元字是亦憲章於此

淮陽王延超王盱 盱傳作栩

丁卯東巡狩二月己卯幸魯進幸太山 馬第伯封禪儀記云車駕正月二十八日發雒陽宮二月九日到魯十

二日宿奉高十五日始齋登封

登封太山甲午禪于梁父 先是三十年二月太尉趙熹  
上言宜封泰山帝不許至三十二年正月上讀河圖會  
昌符曰赤劉之九會命岱宗之文乃詔梁松等復案索  
河雒讖文言九世封禪事松等列奏乃許焉

是歲初起明堂靈臺辟雍 楊街之雒陽記云平昌門直  
南大道東是明堂大道西是靈臺

隴西太守劉盱遣軍救之 道從事辛都監軍掾李苞也  
論曰生光武於縣舍有赤光照室中 論衡吉驗篇云光  
武帝建平元年十二月甲子生於濟陽宮後殿第二內  
中皇考爲濟陽令時夜無火室內自明皇考恠之卽出

功曹史充蘭使出門卜工蘭與馬下卒蘇永俱之卜王  
長孫所長孫卜謂充蘭曰此吉事也母多言王長孫本  
紀作王長

是歲縣界有嘉禾生一莖九穗 吉驗篇云是歲有禾生  
景天備火中三本一莖九穗長于禾一二尺蓋嘉禾也  
氣佳哉鬱鬱蔥蔥然 吉驗篇云王莽時謁者蘇伯阿能  
望氣使過春陵城郭鬱鬱蔥蔥及光武到河北與伯阿  
見問曰卿前過春陵何用知其氣佳也伯阿對曰見其  
鬱鬱蔥蔥耳

遠望舍南火光赫然屬天有頃不見 吉驗篇云元帝之  
初有鳳皇下濟陽宮故今濟陽宮有鳳皇廬始與李文

等俱起到柴界中遇賊兵惶惑走濟陽舊廬比到見光  
若火正赤在舊廬道南光耀憧憧上屬天有頃不見

後漢書辨疑卷一終

後漢書辨疑卷二

嘉定錢大昭晦之甫學

明帝紀

顯宗孝明皇帝諱莊 初名陽後改名莊

帝生而豐下 左傳穀也豐下必有後於魯國

監捕虜將軍馬武等二將軍 二將軍馬武及中郎將王

豐也

方春戒節人以耕桑其勅有司務順時氣 樊儵傳儵議

刑辟宜須秋月以順時氣顯宗從之襄楷傳永平舊典

一諸當重論皆須冬獄先請後刑

永平元年帝率公卿以下朝於原陵 水經注光武葬臨

平亭南西望平陰大河逕其北

二年朕親袒割 文選東京賦注引東觀記割下有牲字  
其賜榮爵關內侯食邑五千戶 賜桓榮爵而不及李躬  
疑有脫文

有司其存者臺 存謂存問之

歷覽館邑 館邑御覽九十一引東觀記作館舍邑居

護羌校尉竇林下獄死 坐欺罔及臧罪

三年改大樂爲大予樂 曹褒傳尙書璇璣鈴曰有帝漢

出德洽作樂名予明帝善之下詔改太樂官曰太子樂  
蔡邕禮樂志云漢樂四品一曰大予樂典郊廟上陵殿  
諸食舉之樂二曰周頌雅樂典辟雍饗射六宗社稷之

樂三曰黃門鼓吹天子所以宴樂羣臣四曰短簫鐃歌  
軍樂也通鑑注引之

車駕從皇太后幸章陵觀舊廬 建武六年改舂陵鄉爲  
章陵縣

四年河南尹范遷爲司徒 遷字子廬沛國人附見郭丹  
傳

六年易曰鼎象三公 今易無此文當是易緯  
示不爲諂于蚩也 蚩笑也今俗別作嗤非是

八年注日明則道正不明則政亂 道正閩本作政理  
九年爲四姓小侯開立學校置五經師 張酺傳云顯宗  
爲四姓小侯開學于南宮置五經師酺以尙書教授案

四姓小侯注以爲外戚樊郭陰馬是也攷秦彭傳云永平中彭以貴人兄隨四姓小侯則但言四姓者特舉后族耳貴人兄弟亦得隨入南宮學校也

十年十一月徵淮陽延會平與 閩本作十月

十三年河汴分流復其舊迹 往者汴渠決敗則汴流東侵而合于河今汴隄旣成則汴水東南入泗而兗豫無患河水東北入海而幽冀蒙利故曰復舊迹也

十月壬辰晦日有食之 續漢書志作甲辰注同

齊王石薨 哀王章之子

十四年司徒虞延免自殺 續志云坐與楚王英黨與貴初公孫宏等交通



五年完城旦至司寇五匹 閩本司寇下有作字

徵琅邪王京會良成 良成故屬東海是年更臨淮郡爲

下邳國良成縣屬焉

十六年留兵屯伊吾盧城 建初二年罷永建六年復屯

田置伊吾司馬一人

司徒邢穆下獄死 坐與淮陽王延交通知逆謀

十七年正月甘露降於甘陵 甘陵當作原陵陰皇后紀

云永平十七年正月嘗謁原陵夜夢先帝太后遂率百  
官上陵其日降甘露于陵樹卽其事

二月癸丑 南雍本閩本俱作三月

初置西域都護戊巳校尉 案西域都護是年初置不知

罷于何時和帝紀永元三年復置安帝紀永初元年復罷志亦不載戊巳校尉是年初置章帝紀建初元年罷西域傳建初三年復置嗣後復罷和帝紀永元三年復置志皆不載

十八年完城旦司寇五匹 閩本司寇下有作字

館陶公主爲子求郎 公主光武女紅夫也適韓光

有非其人則民受其殃 有閩本作苟

章帝紀

閒祀悉還更衣 惠士奇曰東京廟制異室同堂合祭於堂是爲正殿閒祀於室是爲便殿便殿爲更衣則閒祀非正祭矣西京舊制日祭於寢月祭於廟時祭於便殿

寢日四上食廟歲二十五祠便殿歲四祠則便殿乃時祭也與東京不同而閒祀皆於陵寢諸儒以爲非禮而罷之

建初元年詔三州郡國 三州充豫徐也

舉賢良方正能直言極諫之士各一人 時對策者百有餘人唯魯丕在高第除爲議郎

三年罷常山呼沱石臼河漕 續志南行唐有石臼谷注卽今岷山之州 山之二字衍

四年 是歲平春王全薨紀失書

七年西巡狩以中牢祠蕭何霍光 韋彪傳云彪建言今

西巡舊都宜追錄高祖中宗功臣褒顯先勲紀其子孫

乃制詔京兆尹右扶風求蕭何霍光後時光無苗裔唯  
封何末孫熊爲鄼侯

八年三月辛卯葬東平憲王 辛卯傳作己卯

北匈奴大人率眾款塞降 案三木樓管大人稽留斯等  
率三萬八千人款五原塞降

元和元年詔曰往者大獄已來掠考多酷鉗鑽之屬慘毒  
無極 是時承永平故事吏政尙嚴切尙書決事率近  
于重尙書陳寵上言宜蕩滌煩苛之法輕薄箠楚帝納  
之遂詔有司絕鉗鑽諸慘酷之科解妖惡之禁除文致  
之請讞五十餘事定著于令

二年人有產子者復勿算三歲 復復其夫也

以輕爲德 謂以輕爲沽譽釣名市恩德于下

詔曰今山川鬼神 是詔祭祀志作正月其詔書詳見劉

昭注中

使使者祠唐堯於成陽靈臺 成陽靈臺碑云慶都僊沒  
蓋葬於茲欲人莫知名曰靈臺上立黃屋堯所奉祠遂  
遭亡新禮祠絕矣於是廷尉仲定奏請脩治帝納其謀  
洪景伯曰兩漢志不言靈臺爲母冢據此碑及述征記  
靈臺非堯冢明矣

其二王之後 謂宋公衛公

復博奉高嬴無出今年山租芻糞 奉高告祠明堂之所  
博嬴柴告岱宗之所故賜復也

以爲王者生殺宜順時氣 漢舊事斷獄報重常盡三冬  
之月是時帝始改用冬初十月見陳寵傳

三年解釋怨結也 怨結闕本作結冤

遣使者祠北嶽出長城 此是趙地注以爲蒙恬所築長  
城非也

幸安邑觀鹽池 楊佺期洛陽記云河東鹽池長七十里  
廣七里山海經所謂鹽販之澤也

章和元年護羌校尉劉盱討之 劉盱西羌傳鄧訓傳並  
作張紆案劉盱係隴西太守非護羌校尉盱之爲羌所  
敗在光武中元二年距此時已三十餘年其人未必尙  
在當作張紆

死罪囚犯法在丙子赦前而後捕繫者皆減死勿笞詣金城戌先是四月丙子赦天下繫囚減死罪一等勿笞詣金城戌時廷尉郭躬上言今死罪亡命無慮萬人自赦以來捕得甚眾而詔令不及獨不沾澤臣以爲赦前犯死罪而繫在赦後可皆勿笞詣金城帝善之故復有是詔

乙未晦日有食之 盧氏文弼曰五行志作元和誤也攷是年七月九月俱丙申朔與八月乙未正合若元和元年八月是甲寅朔九月是甲申朔安得八月乙未晦乎月氏國遣使獻扶拔師子 月氏國疑當作安息國案西域傳安息國章和元年遣使獻師子符拔大月氏國不

載其事

和帝紀

孝和皇帝諱肇 說文以肇爲上諱必不有譌許氏不加  
解釋安知其無始訓惟尊君之意不敢加詰訓耳章懷  
謂伏侯許慎竝漢時人而帝諱不同蓋古今注譌爲肇  
字耳

章和二年二月壬辰卽皇帝位 二當作正章帝以正月  
壬辰崩則和帝卽位卽在此日

朕且佐助聽政 蔡邕獨斷云少帝卽位太后卽代攝政  
臨前殿朝羣臣太后東面少帝西面羣臣上書奏事皆  
爲兩通一詣太后一詣少帝



永元元年度遼將軍鄧鴻出柵陽塞 案度遼將軍至元  
初年始授爲眞此度遼上脫行字

二年紹封汝淮陽王昞子側爲常山王 案昞子章和元  
年七月薨無子國絕至是復以昞小子紹封乃特恩也  
胡三省謂未及立嗣國有大喪今乃紹封誤矣若例得  
襲封卽于章和元年嗣位雖國有大喪何必遲至三年  
之久邪

遣副校尉閭磐討北匈奴 磐當作磐閩本有注云磐音  
力公反汲古閣本脫此注寶憲傳作盤西域傳作槃並  
誤

取伊吾盧地 永平十六年留兵屯伊吾盧建初二年爲

北匈奴所據至是仍取之也

三年正月甲子 續志云正月甲子若丙子爲吉日可加元服

皇帝加元服 是時冠禮蓋卽用曹褒新禮故擢褒爲羽林左監

尊太后母比陽公主爲長公主 漢制皇女皆封縣公主儀服同列侯其尊崇者加號長公主儀服同蕃王其後安帝桓帝妹亦封長公主今尊東海恭王彊女爲長公主因皇太后母故特尊崇之

江廟記云曹參冢在長陵旁道北 廟閭本作廣

復置戊己校尉官 此時復置從馮豹之請也校尉領兵

五百人居車師前部高昌壁

四年注東觀記曰賜玉具劍、匈奴傳作玉劍四具

武陵零陵澧中蠻叛 案武陵澧中蠻零陵澧中蠻也單  
舉澧中似脫澧中

詔以勃海郡屬冀州 勃海故屬幽州今改屬

七年度遼將軍朱徽 此度遼將軍上亦常有行字

易陽地裂 易陽屬趙國

八年自死罪已下至司寇 閩本司寇下有作字

九年及揮國重譯奉貢 揮國王名雍由調

汧益字君玉 案魯恭傳注引漢官儀作君上

十年復置廩犧官 續志掌祭祀犧牲鴈鶩之屬屬河南

尹

十三年及條枝大爵 西域傳云條支大爵其卵如甕  
十四年徙金城西部都尉以戍之 案建武六年罷郡國  
都尉官并職太守金城是邊郡故仍置之

初置象林將兵長史官 時象林蠻夷反叛初平故置之  
十五年疾病加至醫藥 至閩本作致

復置涿郡故鹽鐵官 鹽當作安地理志涿郡有鐵官而  
無鹽官郡國志注有鐵官于故安下劉昭曰案本紀永  
元十五年復置是故安之爲故鹽流俗人妄改也閩本  
亦誤

是秋四州雨水 四州兗豫徐冀也

是歲初令郡國以日北至案薄刑 舊制至立秋乃行薄  
刑自永元十五年後改用孟夏和帝末下令麥秋得案  
驗薄刑而州郡好以苛察爲政因此遂盛夏斷獄見晉  
恭傳

十六年方察煩苛之吏顯明其罰 罰閩本作罪

元興元年高句驪寇郡界 入遼東寇略六縣

遼東太守耿夔擊貊人破之 貊人卽高句驪也耿夔傳  
亦作貊人說詳光武紀

舊南海獻龍眼荔支 本艸龍眼一名益智圖經云似荔  
支而葉微小凌冬不凋唐慎微經史證類備用本草以  
龍眼荔支爲二物

殤帝紀

孝殤皇帝諱隆 御覽九十一引東觀漢記云和帝皇子  
數十生者輒夭故殤帝養於民

延平元年朕且權佐助聽政 閩本權下有禮字

其減太官導官尙方內署諸服御珍膳靡麗難成之物

內署當作內者注亦誤續志少府屬官有內者令一人  
六百石左右丞各一人注云掌中布張諸衣物舊時太  
官湯官經用歲且二萬萬和熹鄧太后勅止日殺省珍  
費自是裁數千萬及郡國所貢皆減其過半

安帝紀

和帝稱之 閩本和帝下有常字

鄧太后特詔留帝清河邸 帝下閩本有於字

孝章帝世嫡皇孫 孝章下閩本有皇字

清河王薨 清河王慶不名殆以帝父之故然勃海王鴻  
質帝之父仍稱名疑此脫慶字

永初元年蜀郡徼外羌內屬 案青衣道夷令由與徼外  
三種夷舉十內屬又龍橋等六種萬七千餘口內屬  
以廣成游獵地及被災郡國公田假與貧民 從太傅張  
禹及御史中丞樊準之請也

永昌徼外僬僿種夷貢獻內屬 王名陸類獻象牙水牛  
封牛

九真徼外夜郎蠻夷舉土內屬 開境千八百四十里

河東地陷 續漢書曰河東楊地陷東西百四十步南北百二十步深三丈五尺

倭國遣使奉獻 倭國王帥升等獻生口百六十人願請見

二年爲種羌所敗於冀西 西羌傳作鍾羌

遣光祿大夫樊準呂倉 時樊準爲御史中丞因奉詔出使故守光祿大夫

蜀郡徼外羌舉土內屬 薄中等八種三萬六千餘口內屬

三年四月丙寅大鴻臚九江夏勤爲司徒 禮儀志注引丁孚漢儀有夏勤策文云維元初六年三月甲子制詔



以大鴻臚勤爲司徒曰朕承天序惟稽古建爾于位爲  
尊輔往率舊職敬敷五教五教在寬左右朕躬宣力四  
表保乂皇家於戲實惟秉國之均旁祇厥緒時亮天工  
可不慎與勤而戒之據此則夏勤之由大鴻臚爲司徒  
非永初三年四月丙寅也疑史家之誤

海賊張伯路等 陳忠傳作勃海賊

四年度遼將軍梁慄 度遼上脫行字說見和帝紀

注凡諸子百六十九家 六當作八閩本不誤

先零羌寇襲中 先零西羌傳作滇零先零部落也滇零  
人名也

郡國九地震 九續志作四

五年郡國十二地震 續志無二字

夫餘夷犯塞 步騎七八千寇鈔樂浪

六年太常劉凱爲司空 凱當作愷

七年注周禮司職曰 司下脫巫字南監本有巫字

元初元年先零羌敗涼州刺史皮陽 西羌傳作皮楊廣

韻皮姓出下邳案前書儒林傳有琅邪皮容

十一月是歲郡國十五地震 十一月下有脫文

二年洛陽新城地震裂 續漢書無震字

右扶風仲光 風俗通云凡氏于字伯仲叔季是也湯左

相有仲虺見廣韻

郡國地震 郡國下脫十字續志及閩本並不脫

三年東平陸上言木連理注序例曰凡瑞應自和帝以上  
政事多美近于有實故書見於某處自安帝以下王道  
衰缺容或虛飾故書某處上言也 案序例之說亦未  
盡然桓帝紀建和元年芝草生中藏府二年嘉禾生大  
司農帑藏永壽元年白鳥見齊國延熹八年南宮嘉德  
署黃龍見濟陰東郡濟北河水清九年濟陰東郡濟北  
平原河水清桓帝政事有何可美而不書上言皆自亂  
其例

三月辛亥日有食之 月之二日也是月庚戌朔

越嶲徼外夷舉種內屬 大羊等八種

初聽大臣二千石刺史行三年喪 劉愷傳云舊制公卿

二千石刺史不得行三年喪由是內外眾職並廢喪禮  
元初中鄧太后詔長吏以下不爲親行服者不得典城  
選舉陳忠因上言孝宣帝舊令人從軍屯及給事縣官  
者大父母死未滿三月皆勿徭令得葬送請依此制太  
后從其言宦豎不便之建光元年從尙書令祝諷尙書  
孟布等議復斷大臣二千石以上服三年喪

四年二月乙卯大赦天下壬戌武庫災 據五行志武庫  
災在是年十月八日壬戌二月是乙亥朔其月不得有  
乙卯壬戌蔚宗誤矣

三郡雨雹 續志云大如杼杯及雞子殺六畜

方今案比之時 案周禮小司徒掌九比之數以辨貴賤

老幼廢疾凡征役之施舍乃頒比法千六鄉及三年則大比鄉大夫以歲時登其夫家之眾寡辨其可任者而征之其舍者則貴者賢者能者服公事者老者疾者以歲時人其書鄭司農云九比者九夫爲井五家爲比故以比爲名今八月案比是也

六年鮮卑寇馬城 馬城疑卽馬邑屬雁門郡

永寧元年六月沈氏種羌叛寇張掖 案三月中已書沈氏羌寇張掖矣此沈氏以下八字重出

永昌徼外擲國遣使貢獻 擲國王卽雍由調也獻樂及幻人能變化吐火自支解易牛馬頭

大餘王遣子詣闕貢獻 大餘王子名尉仇台

建光元年幽州刺史馮煥率二郡太守討高句驪 煥傳  
作煥二郡太守元菟太守姚光遼東太守蔡諷也

鮮卑圍烏桓校尉與馬城 與當作於

冬十一月己丑郡國三十五地震 續志作九月

鮮卑寇元菟 案是年秋寇元菟者句驪與馬韓濊貊也  
見東夷傳此紀以爲鮮卑誤也鮮卑傳無此事

延光元年虔人羌叛攻穀羅城 續志西河無穀羅縣前  
志有之蓋後來并省而此時尙未省也

九月甲戌郡國二十七地震 甲戌續志作戊申

是歲虔人羌反攻穀羅城度遼將軍耿种討破之 虔人  
羌以下十七字重出閩本亦誤

三年京師及郡國三地震 續志作京都郡國三十二地震

三年初復右校令左校丞官 據百官志當云初復左右校令丞官此誤

四年祠定王節侯鬱林府君 南頓君廟在濟陽故不與焉而鉅鹿府君何以獨遺之或轉寫偶脫耳

東海王肅薨 光武曾孫靖王政之子也

後漢書辨疑卷二終

後漢書辨疑卷三

嘉定錢大昭晦之甫學

順帝紀

永建元年爲父後三老孝弟力田三級 力田下閩本有  
人字

年老劣弱不任單事者上名 單閩本作單  
四年帝加元服 案和安桓三帝皆云皇帝加元服此亦  
當有皇字

六年注及揮國王雍田 雍田西南夷傳作雍由調

陽嘉元年初令郡國舉孝廉限年四十以上 是時左雄  
奏請自今孝廉年不滿四十不得察舉皆先詣公府諸



生試家法文吏課牋奏有不承科令者正其罪法若有  
茂才異行自可不拘年齒帝從其議

東平王敞薨 敞光武曾孫懷王忠之子也

復置元菟郡屯田六郡 六郡當從東夷傳作六部

二年復置隴西南部都尉官 案馬防傳云建初二年羌  
豪布橋等圍南部都尉于臨洮則肅宗時有此官也此  
云復置則不知廢于何時

洛陽地陷 續漢書云洛陽宣德亭地圯長八十五丈近  
郊地

大鴻臚沛國施延爲太傅 太傅當作太尉

四年初聽中官得以養子爲後世襲封爵 順帝登極皆

中官之力故加恩於宦者獨優嗣後貂璫之徒固寵乘  
權政令于是乎出魏武因之至遷九鼎史家特書此以  
著履霜墜冰之戒

梁王匡薨 匡明帝曾孫恭王堅之子也

濟北王登薨 登章帝孫惠王壽之子也

永和元年偃師蝗 偃師屬河南尹

十月丁亥承福燬火 丁亥五行志作丁未

二年北海王翼薨 翼靖王興之元孫頃王普之子也

四月丙申京師地震 丙申續志作庚申

三年殺江都長 江都屬廣陵郡

率眾詣徐州刺史應志降注志曾祖父順 案應奉亦是

順之曾孫是應志與應奉爲昆弟也

琅邪王遵薨 遵光武子孝王京之曾孫也本傳及安帝紀俱作尊

濟北王多薨 多章帝孫節王登之子也

四年封故濟北惠王壽子安爲濟北王 安本傳作安國

五年中山王宏薨 宏光武子簡王焉之孫也

六年河間王政薨 政章帝孫孝王開之子也

太僕趙戒爲司空注戒字志伯 案志伯乙瑛碑作意伯

避桓帝名

齊王無忌薨 無忌哀王章曾孫王見之子也

漢安元年遣侍中杜喬光祿大夫周舉守光祿大夫郭遵

馮羨樂巴張綱周栩劉班等八人分行州郡班宣風化  
遵兗州刺史羨前青州刺史巴尚書綱侍御史班太  
尉長史八人皆耆儒知名

二年遣詣臨羌縣居作二歲 臨羌屬金城郡

趙冲擊燒當羌于阿陽 阿陽監本作河陽誤

建康元年沛王廣薨 廣光武元孫節王正之子也

清和王延平薨 延平章帝曾孫愍王虎威之子也

冲帝紀

帝山王儀薨 明帝曾孫靖王章之子也

永嘉元年 史繩祖學齋佔畢云淳熙二年邛州蒲江縣

上乘院僧增築大殿闢地得封石有文云永惠元年二

月十二日蜀郡臨邛漢安鄉安定里公乘校官掾王幽  
字珍儒凡二十九字以爲卽沖帝紀元今本作嘉字之  
誤也今案左雄傳中有迄于永嘉察選清平之文嘉卽  
熹之譌此作永嘉誤也

質帝紀

廣陵賊攻殺堂邑江都長 堂邑當稱令費鳳碑鍾離意  
傳並云堂邑令

九江賊攻殺曲陽東城長 案東陽縣前志本屬九江郡  
建初四年以東城益下邳國今云九江者或國王以過  
見削仍隸九江也

彭城王道薨 道明帝孫靖王恭之子也

濟北王安薨 安傳作安國章帝孫惠王壽之子也

憲陵次泰陵 泰當作恭恭陵安帝陵也

阜陵王代薨 代光武元孫

廬江盜賊攻尋陽又攻盱台 尋陽縣屬廬江郡盱台縣

屬下邳國

桓帝紀

以玉青蓋車 玉當作王注亦誤

太后猶臨朝政 猶臨者不必臨也

齊王喜薨 哀王章元孫惠王無忌子也

建和元年比起陵塋殄歷時歲 殄閱本作彌

注以順帝陽嘉中封敦爲道亭侯 敦爲二字當乙閱本

亦誤

芝草生中黃藏府 續志少府屬官有中藏府令一人六百石丞一人本注云掌中幣帛金銀諸貨物此云中黃疑衍黃字注亦誤

大司農杜喬爲太尉 案杜喬傳喬由大司農遷大鴻臚光祿勳然後爲太尉此以爲由大司農遷疑本紀誤也二年四姓及梁鄧小侯 永平九年本初元年並言四姓小侯至是增入梁鄧矣

三年彭城王定薨 定明帝曾孫

和平元年近慕先姑歸授之法 先姑謂安思閭后也閭后貪立幼主久專國政北鄉早夭又欲徵立藩輔追順

帝卽位退處離宮迫于勢之不得已耳以云歸授難矣  
哉梁后正月授政二月卽崩實因病劇不能臨朝耳非  
眞欲效復子明辟也

元嘉元年河閒王建薨 章帝曾孫惠王政之子  
安平王得薨 明帝六世孫

武陵蠻叛 詹山等四千餘人

任城王崇薨 東平憲王曾孫任城貞王子也

二年常山王豹薨 明帝元孫頃王儀子

永興元年三月丁亥幸鴻池 是月丙子朔丁亥十二日

濟南王廣薨 光武元孫釐王顯之子也

詔在所賑給乏絕 在所閭本作所在



二年初聽刺史二千石行三年喪服 此制安帝元初中  
已行之而建光中復斷之謂孝文皇帝定約禮之制光  
武皇帝絕告寧之典貽則萬世誠不可改宜復建武故  
事也至是時從司空掾趙岐之請乃復行之故又言初  
聽耳未及四年而復斷之宦豎乘權朝更莫改但取勢  
位利祿而已又安知三年之愛于其父母乎

永壽二年東海王璠薨 璠光武元孫頃王肅子

三年初以小黃門爲守宮令 小黃門宦者爲之守宮令  
主御紙筆墨及尙書財用諸物

注縣名屬長沙郡 郡當作國

延熹元年分中山置博陵郡以奉孝崇皇園陵 案博陵

有安國蠡吾安平高陽南深澤信都等縣蓋分中山安平河間所置不獨分中山也何以知之劉祐傳云祐中山安國人也安國後別屬博陵隸釋靈臺碑有博陵蠡吾管遵又博陵太守孔彪碑陰有博陵安平六人博陵安國三人博陵高陽一人博陵南深澤二人俱故吏案續志安國蠡吾屬中山安平南深澤信都屬安平高陽屬河間也王氏取予說以入商榷而誤以爲獻之說獻之于東漢無著述

二年阜陵王使薨 便傳作便親光武元孫也節王代之兄

屯騎校尉梁驤 驤閩本作讓傳亦作讓

三年太常虞放爲司空 案虞延傳放以尙書爲司空  
武陵蠻寇江陵車騎將軍馮緄討皆降散 案馮緄爲車  
騎將軍本紀列傳馮緄碑及度尙傳皆在延熹五年是  
年書車騎將軍云云蔚宗誤矣南蠻傳亦誤

四年注永壽三年置 據本紀三當作二

益州刺史山昱 廣韻山姓周有山師之官掌山林後以  
官爲氏或云古烈山氏之後大昭案王莽傳云封山遵  
爲褒謀子奉皋陶後是山姓爲皋陶苗裔也

五年濟北王次薨 次章帝曾孫釐王安國之子也

滇那羌寇武威張掖酒泉 案皇甫規招降之

七年沛王榮薨 榮光武六世孫孝王廣之子

宋王成薨 成明帝曾孫恭王堅之子

趙王乾薨 孝王良元孫靖王宏之子

野王山上有死龍 案襄楷傳云七年六月十三日河內  
野王山上有龍死長可數十丈續漢書作六月壬子此  
云七月似誤

八年護羌校尉段熲擊罕姐羌 罕姐閭本作勒姐

永康元年阜陵王統薨 統光武六世孫恭王便親之子

靈帝紀

建寧元年四月戊辰太尉周景薨 案史晨後碑云建寧

元年四月十一日戊子到官據此則是月戊寅朔不得

有戊辰本紀誤

大鴻臚許栩爲司空 案魏志和洽傳注引汝南先賢傳  
稱栩沈沒榮利官以賄成

三年執金吾董寵下獄死 坐矯稱永樂宮屬請

鬱林烏薳民相率內屬 開置七縣

四年帝加元服 帝上當有皇字說見順帝紀

河東地裂 續志云地裂十二處合長十里百七一步廣  
者三十餘步深不見底

七月癸丑立貴人宋氏爲皇后 禮儀志注云維建寧四  
年七月乙未制詔皇后之尊與帝齊體供奉天地祇承  
宗廟母臨天下故有莘與殷姜任母周二代之隆蓋有  
內德長秋宮闕中宮曠位宋貴人秉淑媛之懿體山河

之儀威容照耀德冠後庭羣寮所咨僉曰宜哉卜之著  
龜卦得承乾有司奏議宜稱紱組以臨兆民今使太尉  
襲使持節奉璽綬宗正祖爲副立貴人爲皇后其往踐  
爾位敬宗禮典肅填中饋無替朕命永終天祿據此策  
文則宋后之立是乙未非癸丑也而聞人襲之太尉亦  
非罷于三月矣疑本紀誤

熹平元年會稽人許生自稱越王寇郡縣 吳志孫破虜  
傳云會稽妖賊許昌起于句章自稱陽明皇帝與其子  
韶扇動諸縣與此小異與東觀記亦不同

四年注並無鹽今蒲州安邑縣西南有鹽城監也 案監  
字當在上文無鹽之下闕本不誤

六年十月癸丑朔日有食之辛丑京師地震辛亥令天下  
繫囚罪未決入繯贖 癸丑續志作癸酉按依本紀十  
月爲癸丑朔則是月不得有辛丑辛亥依續志爲癸酉  
朔則是月可以有辛丑而辛亥終當在下月也紀疑有  
誤

光和二年東平王瑞薨 瑞當作端閩本不誤光武元孫  
孝王敞之子也

三年詔公卿舉能通尙書毛詩左氏穀梁春秋各一人悉  
除議郎 案儒林傳云建初中詔高才生受古文尙書  
毛詩穀梁左氏春秋雖不立學官然皆擢高第爲講郎  
章帝紀同據此則尙書上脫古文二字

六年冬東海東萊琅邪井中冰厚尺餘 東海五行志作

北海

中平元年安平王續有罪誅 續本傳作績

二年太僕河南張延爲太尉 案延河內脩武人此作河

南誤

三年江夏兵趙慈反殺南陽太守秦頡 案羊續傳云攻

沒六縣續爲南陽太守討平之

五年注淳于瓊于右校尉 何進傳作佐軍校尉

六年注董重皇后之弟子也 陳景雲曰皇后上脫孝仁

二字據皇后紀當云兄子注弟字亦誤

甘陵王忠薨 忠章帝八世孫貞王定之子



獻帝紀

注靈帝建元四年改平準爲中準 建元當作熹平

初平三年太僕魯旭 旭魯恭傳作植

四年扶風大風雨雹 五行志云雹如斗

琅邪王容薨 容光武七世孫安王據之子

興平元年分安定扶風爲新平郡 袁山松曰分安定之

鵜觚右扶風之漆

二年少府田芬 五行志作田邠

建安五年十月東海王祗薨 案孔融傳云五年南陽王

馮東海王祗薨帝傷其早歿欲爲修四時之祭融曰聖  
恩敦睦感時增思悼二王之靈發哀愍之詔臣愚以爲

諸在沖黻聖慈哀悼禮同成人加以號謚者宜稱上恩  
至一歲之限不合禮意章懷注以爲二王並獻帝子也  
今本紀建安五年七月立皇子馮爲南陽王壬午南陽  
王馮薨十月東海王祗薨予初疑紀內止漏誓立東海  
王祗事東海王之上及檢東海恭王彊傳云孝王臻薨  
子懿王祗嗣祗立四十四年薨子羨嗣二十年魏受禪  
以爲崇德侯祗之嗣位在永壽二年至建安五年恰四  
十四年孝王之子未必名祗蔚宗見獻帝紀有東海王  
祗薨之句遂認爲東海恭王之後故以名與年數配合  
祗符巧爲彌縫也獻帝子封東海王者有二人祗薨之  
後建安十七年又以東海封皇子敦敦子魏禪之後降

爲列侯蓋光武十王傳所云傳至魏禪降爲崇德侯者殊未可信中間必有廢絕國除之事故以別封若恭王之國尙存不應以之封皇子祇又以封皇子敦也

七年袁紹薨 袁術僭號故書死紹未改臣節故稱薨

十一年濟北北海阜陵下邳常山甘陵濟陰平原八國皆

除 攷諸王傳齊王承北海康王失其名阜陵王赦下邳

哀王宜常山王昌甘陵獻王忠濟北王政平原王碩此

八王皆于建安十一年國除攷古閣本有濟北而無齊

閩本有齊而無濟北兩本俱有濟陰皆誤也是時無濟

陰國此濟北當從閩本作齊下濟陰當作濟北

十六年趙王赦薨 孝王良七世孫

皇后紀上

爵列九品 九文選作八

真定棗人也 地理志真定國有棗城縣郭后居棗縣之  
漆里見劉楨傳蓋中興省城字

帝善況小心謹慎 善閭本作美

迎后與胡陽寧平主諸宮人 胡陽卽湖陽公主光武姊  
也寧平公主光武妹

及教授諸小王論語經書 諸小王年幼未封爲王亦四  
姓小侯之類也

勲尙東海恭王弼女沘陽公主 沘當作泚下同

太后愍陰氏之罪廢赦其徙者歸鄉勅還資財五百餘萬

案赦歸鄉還資財云云已見陰后紀矣此又複見

元初五年平望侯劉毅 毅北海敬王子建初二年封永  
元中坐事失侯此當云故平望侯

皇后紀下

詐遣司徒劉喜 喜當作熹

注善文曰惲字伯周 陳景雲曰善文書名陶靖節聖賢  
羣輔錄亦引之但作者姓名無攷耳隋經籍志不載此  
書

詔安平王豹河間王建 豹疑當作續

立七年葬在北邙 在閩本作於

立解犢侯宏是爲靈帝 犢下脫亭字本紀作解瀆亭侯

注黃門之秩六百石 之當作令

改葬文昭陵儀比敬恭二陵 陳景雲曰謂如恭懷梁后  
葬敬西陵恭愍李后葬敬北陵之禮不言西北者省文  
耳注非

注王后年六宮之人 年當作率

注夫人天下分居后之六宮者 天字當作以

據追大怒 閩本無迫字

其餘皇帝之庶母 皇閩本作惟南監本同

注耿弇曾孫侍中良伯漢陽公主 案漢陽公主誤當從  
傳作濮陽長公主

建武十五年封武陽長公主 武陽二字誤章德實后紀

及鄧訓傳並作舞陰長公主

世祖五女 案竇融長子穆尙內黃公主內黃縣名當是  
縣公主亦光武女也此又在五女之外矣

皇女致三年封沁水公主 五行志作長公主

皇女小姬十二年封平皋公主 鄧禹傳作長公主

適軼侯黃門侍郎王度 王霸傳作軼侯注云屬江夏此  
作軼注音伏皆誤

封平邑公主適黃門侍郎馮由 案馮由馮勤孫也馮勤  
傳作平安公主章懷引東觀記云安平案平安屬廣陵  
邵

元伏湛五世孫 案伏后紀云后大司徒湛之八世孫

也父完尙陽安長公主據此則完是湛七世孫注讓

靈帝三女 三當作一

案后紀所未載之公主內黃公主適竇穆當是光武  
女見竇融傳章帝時有新平主家御者失火見馬后  
紀東觀記伏湛曾孫晨尙高平公主見伏湛傳注此  
二主不知何帝之女

後漢書辨疑卷三終